

說文引經考

說文引經考

長洲程際盛東冶纂

尙書

按左傳僖公二十七年傳註尙書虞夏書也考
二典皆夏史所作故謂之夏書又文公七年稱
夏書曰戒之用休董之用威襄公二十六年引
禹謨與其殺不辜亦稱夏書墨子明鬼曰尙書
夏書其次商周之書伏生改爲虞夏書馬鄭尙
書首卷皆題曰虞夏書尙書大傳題曰虞夏傳
則伏生今文與孔氏古文無異至梅賾又改爲

虞書全失古義

高宗夢得說使百工復求得之傳虞漫部書序作營求諸野得諸傳虞

按復字法營求也今書序作營求諸野晉人以訓詁代經文也又史記作營求之野得說於傳險中

武王與紂戰于姆野上部書序與受戰于牧野作牧誓

按水經注引詩牧野洋洋作姆至今本毛詩亦作牧而釋文云姆音牧本又作牧疏云牧誓又書序皆作牧尙書大傳武成武王與紂戰于姆野禮記及說文皆作姆古字耳又玉篇姆古文尙書作姆汗簡同則

知此字在唐初已諸本互異古俗通行矣又漢書引
作牧墜

假于上下

人部

堯典作格

按格古作假永初安帝詔亦作假今按尙書二十八
篇格字十九見而無假字散黎格人史記作假人商
頌烈祖篇駸假無言尙存古字然據說文及史記漢
書等所引推之則凡格皆當作假而假格音旣相近
爾雅釋詁又以假格同訓疑古假格可通用則尙書
格字卽從僞孔氏所改未爲甚繆也又按白虎通引
書亦作假又假于藝祖亦作假又方言假至也邠唐

冀究之間曰假又六經正誤堯作堯誤上从垚非从

垚也下从兀非从几案之几

歷象 日部 堯典歷象日月星辰

宅嵎夷 土部 堯典宅嵎夷

按疏夏侯等書宅嵎夷鄭爲宅嵎鑲考鑲卽古文鐵
字鐵本黑金古音通夷故又從夷嵎夷作嵎鑲假借
同音字也又按繫傳謂古文尙書夷作鐵古文鐵金
旁作夷故與夷相亂後人訛作鐵又按釋文云尙書
考靈耀及史記作禺鑲今按史記堯本紀居郁夷正
義郁音隅夏本紀嵎夷旣畧索隱云今文尙書及帝

命驗竝作禺鐵鐵古夷字又六經正誤引說文作嶠

嶠

嶠

山部

嶠

山部

陽谷

彘部

日陽谷

日部

堯典同

按說文引作商書刻誤又按今尚書宅西曰昧谷伏生書傳文分命和仲度西曰柳穀周禮縫人注引之古文宅與度字通故坊記引詩作度是鎬京

陽谷

土部

按說文堦夷在冀州陽谷

平豈東作

豈部

堦典作平秩

按伏生作便周禮注辨秩東作史記作便程東作尙書大傳作辨秩又應劭風俗通引作辨秩釋文平馬作平又古文尙書平章百姓平秩東作之平皆作平平與平相似易譎如洪範平平史記張釋之馮唐列傳贊引此作王道便便徐廣云一作辨同也又後漢

書部刺史職在辨章百姓

鳥獸髮毛

堦部

堦典作氄毛

鳥獸華髦

毛部

按周禮司裘鄭注作中秋鳥獸毳毼陸氏毳音毛惠棟云毳當爲髦字之誤也鄭氏尙書云中秋鳥獸髦毼中冬鳥獸毳髦涉下而誤耳又六經正誤司裘一條引虞書作鳥獸毳髦汗簡引尙書又佗勝蓋勝與裘相似髦古毛字旣夕記云馬不齊髦鄭注云今文髦爲毛古文尙書毛皆作髦張有復古編云毳从毛隼別作毳非

棋三百有六旬

禾部

堯典作碁

按棋今作碁疑衛包所改又史記作歲二百六十六

日

四時

日部 堯典定四時

帝曰曷咨

白部

堯典作疇咨

按說文田形則作畷或作畷語詞則作畷誰也則作
畷三字各不同而畷畷皆从畷得聲者也疇本俗字
自俗人將田形語詞誰也三字皆廢不用槩以一疇
字當之矣

有速孱功

宀部

堯典共工方鳩僝功

按鄭注士喪禮云今文有爲方是宀爲古文方也此
與方施象刑方告無辜白虎通論衡等書皆引作宀
又按釋文孱作僂顧亭林僂下引書旁救僝功考大

司徒正日景以求地中注云故書求爲救杜子春云當爲求按救當作救卽古攵求旁救卽旁求也又史記作共工旁聚布功

方鳩倂功

人部

按惠棟云此句疑後人所加非許氏本文

有能俾雙

辟部

堯典作俾父

按雙今作父疑衛包本又父五行志作艾師古艾讀曰父蔡邕石經亦作艾考說文父字注云艾艸也又刈字注云或从刀艾字注云冰臺也艸名俱非訓治之字惟雙字注云治也下引書此句而僞孔氏于尙

書一槩皆作乂訓為治爾雅釋詁亦云乂治也自魏晉以來俱以交艸之字或艸名之字代之而正體雙字久廢不用矣

方命圮族 上部 堯典同

按史記作負命毀族六經正誤圮毀也从戊巳之巳圮作圮誤

岳曰異哉 廿部 堯典同

按史記作嶽曰

虞舜居媯汭 女部 堯典釐降二女子媯汭

按史記作舜飭下二女於媯汭

籥類于上帝

籥部

舜典作肆類

按籥全也周禮全爲肆今文肆古文籥也易有彖爻以彖者卦之全體分之成爻彖卽彖爻卽有又按史記漢書作遂類又按晉武帝初幽州秀才張髦上疏引肆類于上帝至格于藝祖作堯典

至于岱宗崇

示部

舜典作柴

按漢書郊祀志至于岱宗柴尙書大傳作崇

雉藝

女部

舜典二生一死藝注一死士執雉所以爲贄

而見者

按釋文贄本又作摯

明試以功 言部 舜典同

窳三苗 八部 舜典窳三苗于三危

按自匿曰窳納之穴中閉塞之曰窳二字音義全引此本作窳作窳者衛包改也又按大戴禮五帝德引書孟子引書俱作殺三苗史記作遷三苗又禮部韻畧三峽山書作危古文尚書作名唐明皇易以今文古文遂湮滅矣

殛絲于羽山 夕部 舜典同

按漢書古今人表作鮫說文土部亦作鮫

放助乃殛落 夕部 舜典帝乃殛落

按孟子與說文同釋文一云放勛堯字

關四門部舜典關四門

按史記作辟

時惟懋哉心部舜典惟時懋哉

良咎繇伙部舜典讓于稷契暨皋陶

按史記夏本紀皋陶作士漢書百官公卿表咎繇作
士武帝紀咎繇對禹又晁錯傳大禹得咎繇而爲三
王祖與皋陶同又按暨古本作良今尚書及爾雅皆
从俗作暨

五品不忒心部舜典作遜

按今文尚書百姓不親五品不訓又見周禮地官司
徒掌邦教注教所以親百姓訓五品史記作五品不
馴又殷本紀作不訓後漢書作訓論衡引尚書大傳
亦作五品不訓淮南子人間訓引五品不慎又古文
尚書作恣今孔氏本作孫衛包又改作遜古文凶矣
按恣遜二義全別春秋莊元年夫人孫于齊昭二十
五年公孫于齊是遁可作孫也論語奢則不孫近之
則不孫是順亦可作孫也孫與恣遜俱可通而恣遜
不可通恣順也遜遁也自恣字皆改爲遜而經典中
遂罕見恣字惟緇衣恭以諫之則民有孫宋本尚作

憇

僉曰伯夷

人部 舜典同

按周禮宗伯注引咨四岳有能典朕三禮節又疏引協時月正日節文皆以爲堯典今載舜典蓋鄭氏與公彥所据皆古文尙書也又女作秩宗之汝釋文亦作女今尙書皆作汝因附識於此

教育子

去部 舜典教胃子

按周禮大司樂注引書亦作教育子蓋孔氏古文也今文作穉子許慎說書孔氏是真古文與今僞孔傳不同史記作教穉子釋文育本亦作胃

八音克諧

倫部

舜典作諧

按史記作八音能諧

神人以和

竹部

舜典同

龍朕望讓說殄行

上部

舜典同

按史記作朕畏忌讓說殄僞

眊

目部

大禹謨耄期倦于勤

按說文注云虞書耄字从此考微子耄遜釋文又作旄鄭注云耄昏亂則正當作眊而釋文作旄者古字通用至呂刑耄荒釋文云亦作耄此乃耄字之誤說文老部注云年九十曰耄从老从蒿省曲禮九十曰

耄釋文云旄本又作耄則陸德明所見曲禮本作旄
禮記射義旄期稱道不亂孟反其旄倪皆以旄爲耄
可見呂刑曲禮皆當作耄作耄者誤作旄者通用至
漢書武帝紀元狩元年詔云老眊孤寡鰥獨平帝紀
元始二年詔云眊悼之人又彭宣傳云年齒老眊皆
作眊今大禹謨微子呂刑凡當作眊耄或通旄者皆
爲耄此僞孔氏所改說文虞書耄字从此一句必唐
人所增蓋虞書無耄字僞大禹謨許氏不見也又按
漢書藝文志師古曰命古禹字

泝水 水部 大禹謨泝水微子

咎繇謨 言部 書作臯陶謨

按釋文臯本又作咎陶本又作繇謨字又作藝漢武帝紀師古注引尚書俱作咎繇藝尚書大傳亦作咎繇

剛而寒 心部 臯陶謨作寒

按史記作剛而實又按毛詩秉心寒淵箋寒充實也又王猶允寒箋守信自實滿隸變寒字廢不用故尚書毛詩與後漢書邳壽第五倫陳寵等傳凡寒字皆改爲塞

洪水浩浩 水部 益稷洪水滔天浩浩懷山襄陵

按史記作鴻水河渠書禹抑鴻水漢書地理志襄山
襄陵又百官公卿表蔡作朕虞古益字

子乘四載水行乘舟陸行乘車山行乘橐澤行乘軻木部
益稷子乘四載隨山刊木

按史記夏本紀陸行乘車水行乘船泥行乘橐山行
乘構河渠書陸行乘車水行載舟泥行蹈橐山行卽
橋漢書溝洫志云泥行乘橐山行則榻而傳謂四載
水乘舟陸乘車泥乘輻山乘橐橐卽橐省輻卽軻也
傳與說文合

隨山橐木

木部

益稷作刊木

按史記作行山蕞木又作九山槲木漢書作隨山槲木六經正誤刊作刊誤刊从千戈之千非千百之千也

澹水距川

川部

益稷澹水距川

容水澹距川

谷部

按說文容或从永史記作浚水澹致之川又漢書劉向傳雖在明水

衮衣山龍華蟲粉

粉部

益稷山龍華蟲作會宗華藻火

粉米糲飯

山龍華蟲作繪

糸部

按釋文會馬鄭作繪周禮司服注引書作山龍華蟲
作績宗彝藻火粉米黼黻希繡尚書大傳華蟲作繪
宗彝藻火

璪火粉米

玉部

益稷作藻火粉米

按古文尚書亦作璪火粉米黼黻繡黻釋文引說文作粉
黼徐本作糝藻又作藻艾軒曰粉黼黻黻當各爲一
物璪當爲玉璪之璪王伯厚云粉黼黻黻皆从甫又
聘禮垂纁注古文纁作璪又注古文纁爲藻今文作
璪

子達汝弼

大部

益稷同

言
遲以記之

手部

益稷撻以記之

若丹朱鼻

亦部

益稷無若丹朱傲

按釋文傲又作鼻

丹絃

糸部

棚注于家

土部

益稷作朋注

按漢石經鴻範注朋作淫豈

予娶兪山

山部

益稷娶于塗山

按楚詞焉得彼兪山女亦作兪又史記索隱云今文

尚書予辛壬娶塗山癸甲生啟

辛壬癸甲

山部

益稷同

邨成五服 口部 益稷作弼成

按鄭氏亦作邨史記作輔成五服

鳥獸膾膾

倉部

益稷作踳踳

按周禮大司樂注引書亦作膾膾釋文引說文作槍

此傳寫之誤史記作鳥獸翔舞

簫韶九成鳳皇來儀

音部

益稷同皇作凰

按王伯厚云古文箭磬今文作簫諸儒誤以簫管解

之又竹部云箭从竹削聲舜樂曰箭韶又音簫左傳

見舞韶箭者注云舜樂疏云箭簫也尙書簫韶九成

此韶箭卽彼簫韶也周禮大司樂大磬注舜樂也自

虎通引禮記云舜樂曰簫韶令禮記無此文當是逸篇獨斷舜曰大韶又曰大招漢書禮樂志陳舜之後招樂存焉按史記作九招之樂又作鳳皇來翔

鳳皇來儀

竹部

冀北方州

北部

禹貢冀州

厥艸惟藪

艸部

禹貢作惟繇

按史記夏本紀草繇木條藪今作繇衛包改漢書作
少繇

維淄其道

水部

禹貢同

按釋文維音惟本亦作惟又作維漢書地理志引作

惟留師古曰惟字今作濰留字或作溜地里志琅邪郡朱虛注箕注又作維靈門注橫注折泉注又作淮王子侯表城陽頃王子東淮侯頽封北海北海郡別無淮水亦濰之異文通鑑梁武帝紀魏李叔仁擊邢杲于惟水胡三省注惟當作濰是濰維惟淮一也故顧亭林以濰字或省水作維或省系作淮又或从心作惟總是一字引漢書地理志通鑑梁武帝紀爲證蓋謂古人之文或省或借其旁竝从鳥隹之佳則一耳又周禮夏官職方氏云幽州其浸菑時以菑爲溜是也

艸木薪苞

艸部

禹貢作漸包

按釋文曰漸如字本文作薪包必茅反字或作苞非考薪苞此孔氏古文當從之釋文反以作苞爲非而引作包就僞本也

嶧陽孤桐

山部

禹貢同

玼珠

糸部

禹貢淮夷蠙珠暨魚

按說文夏書玼或从虫賓史記夏紀淮夷蠙珠泉魚漢書地理志同索隱蠙一作玼又作濱又按釋文蠙字又作玼

玼珠

玉部

浮于淮泗達于荷

水部

禹貢達于河

按此節鄭馬王注俱亡又無傳無疏史記漢書傳寫之誤竝與今本同惟釋文引說文作荷此孔氏古文當從之又夢溪筆談云舊尚書雲夢土作又唐太宗時得古本作雲土夢作又詔改從古本而史記漢書竝作雲夢土釋孔傳亦作雲夢土蓋皆魏晉所改唐太宗時馬鄭所注尚存所得殆馬鄭本也今從之

揚州貢瑤琨

玉部

禹貢瑤琨篠簜

按釋文琨馬本作璜韋昭璜音貫漢書亦作璜師古音昆釋文簜或作笏又說文引作虞書類篇作夏書

瑤琨筱簜

竹部

厥包橘柚

木部

禹貢同

水朝宗于海

水部

禹貢江漢朝宗于海

杗榦栝柏

木部

禹貢同

按釋文杗又作樵榦本又作幹考以榦作幹非說文
杗或从樵周禮考工記鄭注引書荊州貢樵榦栝柏
同

梁州貢磬丹

石部

禹貢礪砥磬丹

按荊州所貢梁州厥貢璆鐵銀鏤磬磬非磬丹梁當
作荆也

惟箇籥箝

竹部

禹貢作籥箝

按說文籥字注云古文籥从箝周禮考工記鄭注引書作惟箇籥箝而木部引又直作箝傳寫誤也漢書作惟箇籥箝

唯箇輅枯

木部

荷澤水

水部

禹貢導荷澤

按史記漢書作道荷澤

梁州貢鏤

金部

禹貢厥貢璆鐵銀鏤

雍州球琳琅玕

玉部

禹貢黑水西河惟雍州厥貢惟球

琳琅玕

按爾雅河西曰隄州周禮正西曰雍州繫傳引作雍州貢璆琳珣玕球史記作璆爾雅釋地西北之美者有昆侖虛之璆琳珣玕焉論衡率性篇引作璆琳珣玕考金部鏐黃金之美者从金璆聲玉部球玉磬也按系傳無磬字玉藻球美玉也从玉求聲或从璆作璆二字音義各別後漢書云益州金銀之所出金固梁厓也璆定當爲鏐自後人妄改从玉遂以梁州之璆混雍州之球矣又按干祿字書球璆竝正

餘波入于流沙

水部

禹貢同

漢東爲滄浪水

水部

禹貢又東爲滄浪之水

按滄史記作蒼

過三潞

水部

禹貢同

東別爲沱

水部

禹貢同

東迤北會于匯

辵部

禹貢同

沈水東爲沛

水部

禹貢導沈水東流爲濟

按漢書地理志沛河惟兗州又東流爲沛師古曰沛本濟水之字

東至于陶丘

自部

禹貢東出于陶丘北

沛東入于海

水部

禹貢又北東入于海

甸天子五百里地

田部

禹貢五百里甸服

按禮禮器鄭注引禹貢三百里納秣服稭作秣

扈夏后同姓所封戰於甘者滬部甘誓大戰于甘

按書序啟與有扈戰于甘之野作甘誓

天用剝絕其命刀部甘誓作勦絕

按馬本作巢與玉篇切韻同巢勦古字疑通又六經
正誤勦絕之勦从巢从刀不从力又按从力者訓爲
勞故力部勦勞也从力巢聲引春秋傳安用勦民爲
證勦剝二字迥別作剝爲是

天用勦絕水部

古之道人以木鐸記詩言刀部盾征道人以木鐸徇于

路

按左傳襄十四年引曰夏書杜註逸書

嗇夫

嗇部

肩征嗇夫馳

嗇夫別治

嗇部

率籲衆戚

頁部

盤庚作衆戚

按戚謂貴戚僞孔氏改戚爲戚訓爲憂又按盤庚之
盤釋文本又作般蔡邕石經殘碑于盤庚下篇首句
盤字作般尚書大傳亦作般庚又鴻漸于磐郊祀志
作鴻漸于般漢書翼奉傳般庚遷般則知盤本作般
也

若顛木之有皂櫨

木部

盤庚作由藥

若顛木之有皂枿

弓部

按說文或从木薛聲又枿字注云古文櫨又皂注云木生條也徐鍇云說文無由字今尙書只作由枿蓋古文省弓後人因省之通用爲因由等字今考釋文藥本又作枿許于木部雖引作櫨而其下又出古文枿枿卽枿也隸變耳至弓部又引作枿馬又作枿則此字當作枿然藥重文既有於義又通不但不必作櫨亦不必作枿也至由字雖許兩引皆作皂然古文旣省作由則从俗正合惟僞孔氏由訓用離本義太

遠使人不知由字本作專亦不知由有不生條之訓矣

王播告之

言部

盤庚王播告之修

今女媮媮

心部

盤庚今女聒聒

按說文媮善自用之意也此與聒迥別鄭元尙書疏注曰讀如聒耳之聒則鄭不作聒必與說文同作媮玉篇媮字注亦兼引說文善自用之訓

子亦焫謀

火部

盤庚作拙謀

按今作拙得聲失義玉篇焫火光也燻也類篇引說文火光不光也然則焫謀謂見之未明歟

有條而不紊係辨盤庚同

相時懋民心部盤庚相時儉民

按本作思省文作懋蔡邕石經殘文儉作散誤立政
儉人釋文云本亦作懋又說文誤作詩

若藥不賙眩六部說命藥弗瞋眩

按釋文說本又作兌音悅禮記皆引作兌又楚語上
白公子張諫靈王引書作若藥不瞋眩

西伯戡鼈邑部書作戡黎

按釋文伯亦作拍戡音堪引說文作戎今考戡訓刺
也戎訓殺也義微有別爾雅釋詁戡亦訓殺也又通

作堪爾雅注引書作堪黎左傳王心弗堪前漢五行志引作王心弗或注古堪字是堪與或同又尚書大傳作或則數字後人改也黎大傳作者又大傳康誥五年伐耆史記殷本紀又作飢徐廣曰一作阢又作耆玉篇作耆

西伯既黎

戈部

大命不女娶女部西伯戡黎作不擊

按釋文擊本又作娶今作擊史記作不至

祖甲返元部西伯戡黎祖伊反

按今商書無祖甲返之文疑所引卽此句伊誤作甲

而返與反則子通也

告子顛躋

足部

微子作顛躋

按史記作躋馬注躋猶墜也晉人作躋說文自部無此字張參五經文字自部云躋子計反見商書此未足據

咈其耆長

口部微子同

我興受其退

定部

微子我興受其敗

按說文引作周書誤

昧爽

日部

牧誓甲子昧爽

柎杖黃戊右秉白髦

戊部

牧誓王左杖黃鉞右秉白旄

以麾

按古太誓師尚父左杖黃鉞右把白旄以號史記右把白旄以誓淮南子王左操黃鉞右秉白旄瞋目而搥之考戊部云戊斧也今作鉞从俗然鉞車鑿聲非斧也詩鑿聲鉞鉞斧戊之戊無金榜麾說文手部云麾旌旗所以指靡也从手靡聲此秉旄爲指麾當从之又釋文鉞本又作戊

勛哉夫子

力部

牧誓勛哉夫子

尚桓桓

大部

牧誓尚桓桓

按桓字注云大行也而鄭注桓桓威武貌若但从桓

則不得訓威武蓋古字借桓爲桓也又史記作尙桓
桓引康成注云威武貌

如虎如貔豸部牧誓同

按史記作如虎如熊如豺如離

鮌堊洪水土部洪範鯀陜洪水

按蔡邕石經陜作伊古音相似然古只作堊後人加
自又按史記河渠書禹抑鴻水作鴻漢書溝洫志作
萬堊洪水注堊沒也又藝文志鴻範八政鴻與洪同
尙書大傳亦作鴻範又左傳成六年引商書曰三人
告從二人註商書洪範六經正誤範从己从已誤

彛倫攸燁步部 洪範作攸斲

按史記作常倫所斲徐廣曰斲一作釋斲字本誤作
釋又傳寫之誤考斲訓敗本當作燁說文步部斲解
也說文支部二字不同按漢書五行志作道斲

水曰潤下水部 洪範同

無有作致女部 洪範無有作好

按呂覽引云毋或作好遵王之道按王尚書後案云
說文女部致人姓也引商書考姓當作性或傳寫誤
或古字通凡人之性每多所致今驗之人猶然求其
淡然無所致者千百無一二故曰入性也女部中別

出好字注云美也玉篇好字注云美也又愛好也政
字注云姓也亦作致是直以美好愛好併爲一字而
致字則直以爲姓氏矣其子部又別載母字注云古
云好字皆非也周伯琦六書正誤致字注云愛而不
釋也引書云云又姓別作好是亦誤以性爲姓氏而
竟以好爲致之重文亦非也竊謂致字許慎直以人
姓釋之非以愛好爲正訓人姓爲旁義如果係姓氏
而引書爲證何憤憤至此若美好字果與致同物則
又何庸別出故知姓乃性也至石鼓文从致好時鼎
从好皆是美好與致無涉而惠棟乃云篆文女字似

丑故或从丑或从女文之異也意以好致是一亦非
當以說文爲定

卍疑

卍部

洪範作稽疑

按卍本爲卍問因與稽同音借作稽此卍疑僞孔作
稽疑是也至汗簡稽古文尙書作卍家同年易田云
北宋以前尙書本作卍疑宋景文筆記言之然當以
說文爲正

日圍

口部

洪範曰驛

按說文圍回行也尙書曰圍圍升雲半有半無釋圍
字之義讀若驛古文鴻範圍作悌又作悌賈逵以今

文校之奏改从圍叔重師賈故用其說僞孔以其讀若驛而卽改爲驛誤矣又正義曰洪範稽疑論卜兆有五曰圍古文作悌今文作圍又史記作涕涕卽悌也古書篆字作立心與水相近讀者失之故誤从水見鄭氏易注作洩者又因涕而誤也又詩齊風齊子豈弟鄭箋以豈爲圍弟爲圍圍明也圍訓明正與雲對晚晉人改爲驛以對蒙非也又容齋隨筆引之謂尙書所無蓋不知曰圍是句下乃釋圍字之義耳又周禮太卜注引洪範曰雨曰濟曰圍曰蠡曰尅容齋亦未之考耶又曰蒙鄭玉本皆作雲在曰驛之下史

記微子世家亦然

曰貞曰悔

卜部

洪範作悔

按卦作悔卦易卦之上體貞从卜則卦亦宜从卜後人混作心部之悔卦字遂廢不用

庶草繁無

林部

洪範庶草蕃廡

按史記作繁廡考廡古文作無而有無但作无亾後人既以無爲有無之無故加广以別之廡乃堂下周屋音同而義則非矣釋詁蕪郭璞注緜蕪豐盛郭已誤作蕪實則洪範釋詁皆當作無玉篇云繁藜豐盛也今作無爲有無字考古有無字只作无或作亾

禮司市云亡者使有詩何有何亡王有說天屈西北
爲无今无字僅存于周易而無作廡作蕪皆後人改
也

有疾不念

心部

金滕王有疾弗豫

按釋文豫本又作忬五子之歌以逸豫滅厥德釋文
亦作忬史記作不豫僞孔從之又改不爲弗汗簡云
念古文尙書豫又穆天子傳天子使孟念如畢討戎
我之不辨

辨部

金滕我之弗辨

按史記我之所以弗辨而攝行政者恐天下畔周無
以告我先生傳辨法也說文作辨治也馬鄭音避謂

避居東都王伯厚云我之弗辟朱子謂當从鄭氏以
辟爲避又五經蠡測辟謂致辟于管叔不主避居之
說

王亦未敢誚公

言部

金滕同

按史記作王亦未敢訓周公徐廣曰訓一作誚方言
譙讓也誚卽譙字

我有載于西

蝻部

大誥有大艱於西土西土人亦不靜

越越茲蠹

按說文蠹蟲動也又重文載字注云古文蠹从𠄎引
書云云但我有載于西考今周書無此文疑卽此有

大艱于西土之句王莽改作有大難于西土魏晉人
因之若依說文以戡字代大艱二字言四國蠢動以
誘西人而西人亦以蠢應之文義似通也蠢古文作
戡者廣雅釋詁云戡出也玉篇戈部又作戡注云亦
蠢字汗簡亦以戡爲蠢至隸書變帶爲春遂作蠢矣
無恙于卹 比部 大誥作恤

按書傳以恤爲憂恤當作卹今作恤者僞孔改也又
卹字恤字注皆訓憂唐風羔裘序箋小雅蓼莪箋大
雅桑柔箋並云恤憂也是卹恤通也

斃不畏死 支部 康誥凡民自得罪寇攘姦宄殺越人于

□□

貨督不畏死罔弗慙

按孟子引作閔不畏死凡民罔不諫

凡民罔不慙

心敦

罔敢涵于酒

水部

酒誥同

按漢書霍光傳湛沔於酒

民罔不盡傷心

血部

酒誥同

按玉篇血部注云盡痛甚也此字本从血从聿及𠄎
乃改入皿部恐玉篇爲後人所亂非顧野王元本至
汗簡云盡古文尙書作盡出義雲章从血者及改爲

从夕更不可解又五經文字云畫从聿从𠂔𠂔音逼
𠂔乃聲非从𠂔而張云云疑皆非也

汝劫毖殷獻臣

力部

酒誥同

盡執柯

手部

酒誥盡執拘以歸于周

按說文柯搗也字又通作苛秋官萍氏掌幾酒鄭注
苛察沽買過多及非時者釋文云苛音何疏云時謂
若酒誥惟祀茲酒及鄉飲酒及昏娶爲酒食名鄉黨
僚友是其時也然則彼注苛察非時正所謂柯羣飲
也書旣言執則必不重言拘故當爲柯又繫傳引作
盡執柯獻

至于媼婦 女部 梓材作屬婦

按尙書疏以屬婦爲屬於人之婦卽妾婦也釋文屬音蜀妾之事妻也小爾雅云妾婦之賤者謂之屬婦說文媼婦人妊身也下引此書廣韻引崔子玉清河王誄云惠于媼孀媼是妊身孀是無夫皆婦人可憐憫者故苾言之玉篇人部又作傷解與媼同今作屬屬音通媼則從說文作媼婦亦得爲一義又按釋文梓本亦作杙尙書大傳作杙材汗簡云杙尙書古文梓字

惟其殷丹獲 丹部 梓材作塗

按尚書疏云殿古塗字

丙午朏

月部

召詔同

粵三日丁亥

亏部

召誥越三日丁巳

不能誠于小民

言部

召誥同

畏于民晷

石部

召誥用顧畏于民晷

按鉉等曰與崑同意王伯厚引說文顧畏于民崑崑

多言也

火行微燄燄

炎部

洛誥無若火始燄燄

按梅福上成帝書作火始庸庸

乃惟孺子攸

攴部

洛誥乃惟孺子頒

按繫傳今尚書曰乃惟孺子頒朕不暇今說文以攷字句絕然則字當作攷也

亦未克攷公功

支部

洛誥同

無或譎張爲幻

言部

無逸民無或胥譎張爲幻

按無逸尚書大傳作無佚論衡作毋逸史記作無佚漢石經逸字皆作佚釋文譎馬本作輶郭注爾雅本作倂張尚書大傳鴻範注倂張無度陳風誰倂予美箋云誰倂張誑欺我所美之人乎是也釋文馬以譎作輶後漢皇后紀孝仁董皇后詈何后曰汝今輶張怙汝兄是也揚雄國三老箴曰負棄覆餗姦寇侏張

李善曰輶與侏古字通善卽據馬融尙書讀侏爲輶也
講俯輶侏字體各異古字古音實同也

無或講張爲幻

予部

奭召公名

爾部

君奭

按六經正誤奭字本作奭說文奭盛也从大从爾今
書作奭

武王惟昭

目部

君奭昭武王惟昌

按尙書傳以昌爲布昌考說文昭低目視也謂武王
尊禮賢臣不敢高視又案禮記緇衣引君奭曰在昔
上帝周田觀文王之德其集大命于厥躬鄭注古文

周田觀文王之德爲割申勸寧王之德今博士讀爲
厥亂勸寧王之德二者皆異蓋字體相涉今古錯亂
今文古文往往互異而許氏師賈逵所引尙書皆孔
氏真古文也

有夏氏之民叨墜至部多方亦惟有夏氏之民叨憤日
欽

畋尔田支部多方畋爾田

尔尙不蕃于凶德言部多方爾尙不忌于凶德

按說文蕃忌也今作忌是以訓詁字代經文也

常旼常任支部立政常伯常任

在受德忒

心部

立政其在受德啓

按忒啓蓋古今字六經正誤啓作啓誤又釋文受德
紂字馬云受所爲德也

焯見三有俊心

火部

立政作灼見

按焯灼同音灼訓炙焯訓明俗以灼作焯失之考觀
禮匹馬卓上九馬隨之鄭注云卓讀如卓文君之卓
猶酌也是焯有灼音故从火卓聲汗簡云古文尙書
灼作焯又漢書揚雄傳焯爍其陂宋婁機以爲古灼
字又俊蔡邕石經作會

勿以諛人

言部

立政其勿以諛人

按釋文儉本又作思說文諛問也从言僉聲引書云
云儉誠也儉利于上佞人也从心僉聲玉篇同思疾
利口也从心从毋疾利口卽是佞則儉思二字義同
而音又同故得兩通也諛字訓問則非此經之義古
字多假借意此經古文本借用諛字而義仍作儉利
佞人與

用勸相我邦家 力部 立政作國家

哉生霸 月部 顧命哉生魄

按魄作霸者漢律歷志引武成亦作霸考古鐘鼎文
魄皆作霸公誠鼎云惟十有四月旣死霸又王侏臚

讀文引經考
堂集古錄鼎銘等釋文皆作霸周伯琦六書正譌云
霸俗作必駕切以爲霸王字而月魄乃用魄字非本
義王霸字本作伯月魄字作霸其義始正又按魄霸
古音同通用

凭玉几 几部 顧命作憑

按說文凭依几也从几从任讀若馮今俗作馮又加
心非也釋文憑引說文作凭

在夏后之誥 言部 在後之侗

按釋文馬本一作詞訓爲共禮記祭統云鋪筵設同
几鄭注云同之言詞訓同爲詞亦取共義以後爲夏

后此孔氏古文真本也

無敢昏逾

走部

顧命同

釗康王名

刀部

顧命元子釗

布重莫席

首部

顧命敷重篋席

按說文莫織弱席也鄭元亦作莫考三國志吳諸葛恪傳篋束其髻是時始有篋字僞孔好用俗字改莫爲篋若謂古文作篋則說文何不于竹部引其文以爲从竹蔑省聲而乃於首部引之耶

陳宗赤刀

山部

顧命陳寶

按周禮天府注引顧命作陳寶又按山部宗字注云

藏也从宀呆聲呆古文保而宀部又別出寶字引書
在寔字下不在寶字下則知字當作寔訓爲藏今本
僞孔改也

夷玉 玉部 顧命同

按釋文夷玉引說文云卽珣玕琪

執殲立于東垂 戈部 顧命同

一人冕執銳 金部 顧命一人冕執銳

按說文金部銳字注云苾也考左傳銳司徒杜注主
銳兵者漢書高帝紀朕親被堅執銳顏注銳謂利兵
銳皆作虛字無兵器解也金部銳字注云侍臣所執

兵也據此知當作鈇也又古允楯通漢官中允一作
中楯漢書敘傳數遣中楯讀曰允又淮南子引楯萬
物注楯讀允恭之允允从金爲鈇

王三宿三祭三託 口部 顧命王三宿三祭三咤

按說文託奠爵酒也咤却行也玉篇亦作託釋文咤
字亦作宅引說文作託馬本作託與說文音義同又
按繫傳未引

太保受同祭臚 口部 顧命同

稱奉介圭 玉部 康王之誥賓稱奉圭兼幣

按說文玠大圭也引書云云據此則圭上有介字偽

孔刪之也又誥史記作告緇衣鄭注云告古文誥

用敷遺後人

支部

康王之誥用敷遺後人休

按馬融鄭元王肅本王若曰已下始爲康王之誥此句與上稱奉介圭句皆作顧命文

伯禛

亦部

罔命作伯罔

按釋文罔亦作𠄎亞古文罔字後人遂省改作罔然史記周紀乃命伯禛孔安國曰伯罔也亦作禛又見玉篇而汗簡作罔者衛包改也至釋文作𠄎者此必禛字俗刻誤也又玉海云尙書大傳以罔命爲禛命

𠄎攘矯虔

支部

呂刑作奪攘

按說文𠄎疆取也以奪爲𠄎古文然也尙書大傳亦作𠄎攘

𠄎剗𠄎黥

支部

呂刑爰始淫爲剗則𠄎黥

按孔疏云夏侯歐陽等三家書剗則剗剗鄭云臏官剗割臏庶剗剗字諸本皆同而說文刀部以剗爲正體剗爲重文又引易爲證易作剗書可知又王倅嘯堂集古錄周齊侯罇鐘銘云造而朋剗又周齊侯鐘銘同周鐘所用必古文則尙書亦必作剗其作剗者安國以今文易古文也說文別鄭書注作則康誥亦作則許與鄭俱好古文所載必同况說文則字注云

斷耳也从刀从耳則知別傳寫誤也說文先別後劓
今書先劓後別鄭注仍先別後劓鄭與說文同今書
乃僞孔从夏侯等倒之也椽說文作斲當从之夏侯
等書作劓乃斲之誤又作剝者考說文黥字注云墨
刑在面也从黑京聲又重文黥字注云黥或从刀則
知夏侯等書作剝者因重文从刀而誤也

惟緇有稽

系部

呂刑惟貌有稽

按說文緇旄絲也玉篇緇同微細之義也汗簡緇釋
爲貌云出尙書古文誤也又按史記作惟訊有稽

罰百鍰

金部

呂刑同

按馬云緩錡也。緩，史記周本紀作率。徐廣曰：率，卽錡也。音刷。索隱曰：舊本率亦作選。蓋古文作錡，今文作選。漢書蕭望之傳：張敞曰：甫刑之罰小過赦薄罪贖。有金選之品。應劭曰：選，音刷。師古曰：音刷是也。字本作錡。錡，卽緩也。史記平準書有白選。尙書大傳：夏后氏不殺不刑，死罪罰一干饌。漢書食貨志作換，或作率。作選作饌，作換皆錡之異文。音近而假借者也。

報以庶說

言部

呂刑作庶尤

駁我于艱

支部

文侯之命扞我于艱

按釋文作扞。考手部無捍字。扞字注云：杖也。則非救。

說文解字

卷

義支部云戢止也據此當作戢訓止者救之則止義似通也

賚尔秬鬯

貝部

文侯之命用賚爾秬鬯一鹵

按尔古爾字

柴誓

米部

書作費誓

按周禮雍氏注引書作柴誓士喪禮記注云古文秘作柴釋文音祕柴卽柴韻若費又按廣韻作柴从米比聲云魯東郊地名此據孔氏本言之則知古文本作柴又王伯厚云費誓說文作柴誓史記作盼徐廣曰一作鮮一作獮裴駟曰尚書作費司馬貞曰尚書

大傳作鮮言于胙地誓衆自行猶田之禮以取鮮獸而祭故或作鮮或作獮然考柴本地名作胙作鮮作獮皆非司馬貞又強爲之說並謬也又六經正誤按經注作費誓說文柴惡米也从南北之北从米尙書費誓亦無柴字疑是伏生尙書字若作柴當从比

穀乃甲冑

支部

費誓善穀乃甲冑

按說文穀擇也玉篇穀簡也擇也又按鄭元云穀謂穿徹之今吳俗謂衣裳綻裂縫紉之尙有穀音鄭義確也又史記作陳爾甲冑

穀乃干

支部

費誓穀乃干

今惟淫舍牯牛馬牛部費誓同

按集韻所引無淫舍二字誤脫去也

斂乃穿

支部費誓斂乃穿

按周禮雍氏引書斂乃阱又阱陷也又重文穿阱或

从穴

峙乃餼糧食部費誓峙乃糗糧

按峙當作峙俗从山非也傳以峙爲儲峙說文人部云儲峙也峙待也釋詁云峙具也周頌峙乃餼鎛毛傳云峙具也具之乃可以待用也說文餼乾食也米部糗字在新附則古無此字疑說文所引當是餼糧

或傳寫誤爲餽糧也凡餉遠宜乾食公劉迺裹餽糧
伐木乾餽以愆則作餽糧似與糗糧之義正合然古
文作餽者是也史記作峙爾芻芟糗糧楨榦

糗糧

牛部

來就碁碁

心部

秦誓未就予忌

按說文碁毒也引書云云今周書無此文詳考之此
經未就予忌當卽是也定四年傳碁間王室釋文碁
音忌杜預注碁毒也據疏賈逵亦云然與說文合來
與未形相似碁與忌聲相亂而誤也

佻佻勇夫

人部

秦誓作佻佻

按漢書李尋傳云昔秦穆公說譏譏之言任侂侂之
勇又釋文馬作訖訖考侂勇壯也訖訖馬訓爲無所
省錄誤也

截截善諛言

言部

秦誓惟截截善諛言

按釋文諛馬本作偏云少也

茈茈巧言

文部

按公羊傳引作譏譏善埒言賈逵國語注云譏譏巧
言也王逸引書云譏譏靖言漢書李尋傳云昔秦穆
公說譏譏之言考此則古文作截截今文作茈茈譏
譏卽茈茈也

詔詔猗無他技

斤部

秦誓斷斷猗

按說文古文斷从貞貞古文吏字他釋文云本亦作它它卽蛇字古艸居患它故相問無它俗以篆文也字與它相似遂作人旁加也技本亦作伎

邦之既隍

自部

秦誓作杙隍

按甌石山戴土也从自从兀今本既作杙易困卦上六于臲巇薛虞作剝杙考木部無杙字危部無巇字皆魏晉以下改也

竹箭如楛

木部

按周禮竹箭故書箭爲晉杜子春日晉當爲箭今說

文引作書又繫傳不引此句下引詩榛楛濟濟

仁閱覆下則稱旻天

日部

按周禮大宗伯注疏引尚書說云仁覆愍下則稱旻天繫傳謂虞書說又王伯厚引之亦謂虞書說

以相陵憐

心部

按以下所引書或古太誓文

王出涖

水部

古太誓王跪取出涖

按尚書大傳大誓跪取出涖

師乃招

手部

古太誓師乃招

按說文又引詩左旋右招招者拔兵刃以擊刺而尚

書大傳作師乃愒鄭注愒喜也

孜孜無怠 支部 古太誓孜孜無怠

按史記周本紀師畢渡盟津諸侯咸會曰孳孳無怠
又詩大明疏引太誓孜孜無怠史記作孳古字同也

元首叢暉哉 目部 益稷作叢脞 徐鉉引

按臣鉉等曰尚書元首叢暉哉叢暉猶細碎也今从
肉非是

若升高必自下 門部 太甲同 徐鉉引

太保受同躋 日部 顧命太保受同祭躋 徐鉉引

按月部引晦而月見西方謂之朏朔而月見東方謂

之縮朒考尙書大傳晦而月見西方謂之朒朔而月見東方謂之朒亦謂之側匿因附識於此又按玉篇朒作朒